

Innspel til dyrevelferdsmeldinga; rett til permisjon for å sikre dyrevelferd

Ein ung bonde på Voss som arbeider i Voss herad søkte hausten 2021 om uløna permisjon hjå heradet under lamminga i mai 2022. Ho fekk avslag på søknaden. Dei fleste som driv landbruk i Voss Herad er deltidsbønder, mellom anna fordi lønsemda i næringa er dårleg. Arbeidsmengda som bonde varierer mykje gjennom året med store arbeidstoppar til dømes i lamminga. Lamminga legg grunnlaget for heile året som sauebonde. Og det har stor innverknad både økonomisk og mentalt. Problemstillinga blei løfta i Heradsstyret på Voss, men problemstillinga er av nasjonal karakter og difor burde ein sikre bonden rett til å ivareta velferda til dyra sine.

Det er mange bønder som jobbar 100% ved sida av å drive gard. Somme vil i periodar ha behov for å ta ut permisjon, men dei som ikkje fått tatt ut permisjon blir nøydte til å ta ut ferie eller slutte i arbeidet sin for å ivareta dyrevelferda under lamming, kalving og når purka grisar t.d.

I permisjonsreglementet burde det vore felt inn at bønder har rett på uløna permisjon for å sikre dyrevelferd dersom ein arbeidar i offentleg sektor. Aller helst burde permisjon naudsynt for å sikre dyrevelferd vore felt inn som velferdspermisjon.

I forskrift om velferd for småfe står det:

§ 4 Småfe skal behandles forsvarlig og omsorgsfullt, og ein skal ta hensyn til dyrenes mentale og fysiologiske behov. Småfe skal beskyttes mot fare for unødig lidelse.

§ 19 Tilsyn og stell Ved mistanke om økt fare må tilsynet intensiveres slik at forhold som kan medføre dårlig velferd, sjuke, skada dyr vert oppdaga så tidlig som råd er.

Voss SP føreslår difor at ein går inn og endrar permisjonsreglementet for å sikre at alle bønder i offentleg sektor i Noreg rett til å ta ut uløna permisjon dersom det er naudsynt for å sikre dyrevelferda til dyra sine. Endå betre hadde det vore om ein kunne fått på plass ei refusjonsordning for arbeidsgjevarar for utbetaling av velferdspermisjon som er naudsynt for å kunne ivareta dyrevelferda i landbruket under t.d. lamming, kalving og når purka grisar.

Noreg treng bonden, ikkje berre storbøndene som er bonde på heiltid, men Noreg treng også småbøndene.

Voss SP

v/ Anita Jordalen, Hilde Lussand Selheim og Tonje Såkvitne